

Fula - Suunooji Deftere - Lust Scriptures

Gurtaaki 15:9 Konneejo wi'i: Mi tokko be, mi jokko be, mi senda kebal, suuno am haara haa mabbe, mi losa kaafahi am, juŋŋgo am nattina be.

Gurtaaki 18:21 Subtu worbe waawbe caka yimbe, hulbe Jehovah, hoolaabe, wanybe ngeenaari jamba. Darnu be dow yimbe bana hoore'en dow ujineere, e hoore'en dow teemerre, e hoore'en dow cappande njowo, e hoore'en dow sappo.

Gurtaaki 20:14 Taa wad njeenu.

Gurtaaki 20:17 "Taa suuna saare keedidda. Taa suuna debbo keedidda, koo maccudo maako, koo kordo maako, koo ngaari maako, koo wamnde maako, koodume ko keedidda mari fuu."

Limle 11:4 Too, jindar wadi jananbe yahdube bee Isra'iila'en. Isra'iila'en, kambe boo be pudditi woyugo, mbi'i: "Moy hokkata en kusel?"

Tooktaaki Tawreeta 5:21 Taa suuna debbo keedidda. Taa suuna saare maako, koo gese maako, koo maccudo maako, koo kordo maako, koo ngaari maako, koo wamnde maako, koodume ko keedidda mari fuu.

Tooktaaki Tawreeta 12:20 To Jehovah Jawmiraawo mon yajjinani on lesdi bana o hunani on, on nyaama kusel nde suuno kusel naŋgi on fuu.

Tooktaaki Tawreeta 22:22 To be tawi goddo mo waaldi bee debbo te'aado, be dido fuu be mbareteebe. Bana non ittirton halleende irin nde'e nder Isra'iila.

Yosuwa 7:21 Suuno wadi yam, mi hooci dum. Mi iri alkibbaare man nder lesdi haa caka laymaaru am, cardi boo haa les maare.

Jabuura 10:3 Kalludo don mantoro suunooji mum. Jabtoowo jabbiti Jawmiraawo, don hallina mo.

Jabuura 78:18 Be poondi munyal Jehovah, nde be dabbi nyaamdu fodde suuno mabbe.

Jabuura 78:30 Ammaa diga suuno mabbe de'itaay tawon, kusel don caka nyi'e mabbe tawon,

Jabuura 81:13 Mi acci be bee caatal ko'e mabbe, be kuuwa ko berde mabbe ngidi fuu.

Jabuura 106:14 Suuno naŋgi be nder ladde. be njaribi Jehovah.

Jabuura 119:36 Huusitin bernde am dow umrooje ma, naa dow suuno riskugo.

Balndi 1:19 Nguyka don halka ngeendam guijo, irin du'um laatanto marbe suuno fuu.

Balndi 6:25 Taa bernde ma suune ngarol maako, taa gite maako naŋge.

Balndi 15:27 Cuuneteedo riba wonnan saare mum, ammaa calotoodo ngeenaari kallundi yeedan.

Balndi 21:25,26 Suuno mbaateendamjo mbaran mo, ngam juude maako cali huuwugo. 26 O don nyalla dabbugo kuuje, ammaa goongaajo hokkan, walaa

naajtugo.

Balndi 28:16 Laamdo mo walaa faamu, duddinan billaaje, ammaa laamdo ganyando billuki juttinan balde mum.

Esaaya 56:11 Be dawaadi duuda-suunooji di kaarataa sam. Waynaabe be'e paamataa, koomoy don tokko laawol muudum. Koomoy mabbe don dabbiita riba muudum.

Esaaya 57:17 Ngam aybe suuno mabbe tikkumi, piymi be. Mi suudi, mi berni. Kambe be tuurti, be tokki laawol mabbe.

Yeremiya 6:13 Be fuu mabbe, mawbe e leesbe, don dabba riba duudka. Annabo'en e liman'en fuu be fewoobe.

Yeremiya 22:17 Ammaa gite maada e bernde maada don dabba riba maada tan. A don mbara yimbe be ngalaay be, a don billa yimbe bee toonyaare.

Yeremiya 51:13 Baabila don joodi dow maaje duudde, woodi ndesaaji mawdi. Ammaa timmoode maagol wari, muudoore maagol heewi.

Ejekiyel 6:9 To be laatake egginaabe, be ciftortam caka ummaatooje de'e. Ngam mi ta"inan berde mabbe kallude tuurtande yam, mi delminan gite mabbe caatude accande laarugo yam ngam tokkaago labbi. Nden kam be nganyan halleende mabbe e kuude mabbe nyiddude fuu.

Ejekiyel 14:4,5 Yeccu be: Ndaa ni Jehovah Jawmiraawo wi'i: Koomoy Isra'iilaajo mo bernde mum dakkotiri bee labbi, mo don suto ko nastinta dum nder hakke, to o wari yeeso annaboojo, min Jawmiraawo bee hoore am mi jaaboto mo fodde duudeenga labbi maako. 5 Jaawaabu am nangan berde Isra'iila'en, ngam be fuu mabbe be ndaayi yam ngam daliila labbi mabbe.

Ejekiyel 22:12 Wodbe nder maada njabi ceede ngam mbarugo yimbe. Wodbe don njowana heeddiddiraabe muudum'en ndiyam nyamaande, be don billa be ngam hebugo riba kalluka. Fakat, a yejjiti yam!" Non Jehovah Jawmiraawo wi'i.

Ejekiyel 33:31 Nden yimbe am ngaran, be moobo haa maada, be njoodo yeeso ma ngam nanugo ko mbi'ata. Ammaa be kuuwataa dum. Bolle ma de belde haa noppi mabbe, ammaa berde mabbe don dabba risku.

Hose'a 4:12 Yimbe am don yama labbi muudum'en di leggal, be don carwo sawru hatti mabbe. Ngam ruuhu njeenu majjini be, haa be mbada njeenu dow Jehovah mabbe.

Hose'a 5:4 Kuude mabbe don kada be loraago haa Jehovah mabbe, ngam ruuhu njeenu don nder deedi mabbe, be anndaa yam.

Mika 2:2 To suuno naangi be, be njabtan gese, be ngujjan cuudi. Be don toonyo goddo ngam suudu maako e ko o mari fuu.

Nahum 3:4 Kanjam ngam jeenoowo oo duddini njeenu. O mardo ngarol, anndudo hiilaaji. O ?oyrani ummaatooje bee njeenu maako, o jambi le'i bee hiilaaji maako.

Habakuk 2:9 Bone laatanto dabbitando riba kalluka ngam saare muudum, jo"inando sabbo mum towdum, ngam taa sarru heba mo.

Matta 5:28 Ammaa min mi don wi'a on: Koomoy gorko fuu to laari debbo goddo

bee suuno, wadi njeenu nder bernde muudum.

Markus 4:19 Ammaa laruuraaji nguure, e esto jawdi, e suunooji feere feere fuu nastan, di billan wolde Jehovah, wolde boo hebataa laawol rimugo.

Markus 7:22 e njeenu e suunooji e halleende e fewjere e gidaadi kalludi e kaajal e kuudi kallundi e mawnitaare e faataare.

Luka 3:14 Sooje'en boo ngari, yami mo bana non, be mbi'i: "Minin boo, ko haani min kuuwa?" O jaabi be: "Taa on njabta jawdi yimbe bee sembe malla dow seedamku fewre, ammaa munye dow ngeenaari moodon."

Luka 12:15 Nden o wi'i be: "Ndeente haa yidugo jawdi, ngam jawdi welnataa joonde neddo, koo no o riskiri fuu."

Luka 16:14 Farisa'en yida-jawdi'en boo nani bolle de, be njali mo.

Yuhanna 8:44 Iblisa woni baaba moodon, on ngidi wadugo ko baaba moodon yidi. Kanjo woni mbaroowo ko'e diga fuddam, o meedaay wolwugo goonja, ngam goonja walaa nder maako sam. To o don wolwa fewre, dum dabiya maako, ngam o pewoowo, o baaba fewre.

Kuude Nelaabe 20:33 Mi yamaay cardi, malla kangeeri, malla limce haa goddo.

Roma'en 1:24-29 Ngam maajum Jehovah acci be be tokko suunooji berde mabbe, be cobnindira balli mabbe bee kuude cemtiniide. 25 Be ngayliti goonja Jehovah, be ngayliti dum fewre, be cujidani tagle, be acci tagdo mo haandi yetteego haa foroy. Aamiina! 26 Ngam maajum Jehovah yoofi be haa suunooji cemtiniidi. Rewbe canji baaldal fodde dabiya, mbadi ko luuti dabiya. 27 Bana non worbe boo acci waaldugo bee rewbe, don mbaalda bee worbe, don kuuwindira cemtiniidum. Bana ni be hiiteteobe nder balli mabbe ngam numooji mabbe majjudi. 28 Be cali tokkaago anndal mabbe dow Jehovah. Ngam maajum Jehovah acci be be tokko hakkiilooji mabbe meereeji, be kuuwa ko fottaay. 29 Be don duddina kuude kallude koodeye. Be keewi suuno e nganyaandi e kaajal. Be mbaroobe ko'e, jokkiroobe, wadoobe rikisi e tufle.

Roma'en 6:12 Ngam maajum taa acce hakke laamo nder balli mon maayandii, taa tokke suunooji maaji boo.

Roma'en 7:7 Ko mbi'eten jonta? Tawreeta dum hakke na? Naa non sam! Ammaa to tawreeta woodaano, mi anndataano baawde hakke. To tawreeta wi'aayno: "Taa suuna", suuno billataano yam.

Roma'en 13:9 On anndi umrooje: "Taa wad njeenu, taa mbar hoore, taa wujju, taa suuna." Umrooje de'e e godde fuu moobaama nder umroore woore: "Yid keeddiddiraawo ma bana hoore ma."

Roma'en 13:14 Acce Jawmiraawo men Yeesu Almasiihu laamano ngeendam mon fuu. Taa cuklane gidaadi mon, ngam taa di njaalo on.

1 Korintu'en 5:10,11 Fakat, mi numaay dow jeenoobe caka yimbe duniyaaru ndu, malla suunaabe malla wuybe malla tokkiibe labbi. To nonnon kam, doole on ngurto duniyaaru. 11 Ko ngidmi wi'ugo, ndaa dum: Taa kawte bee goddo mardo innde Masihikeejo ammaa o jeenoowo malla o cuunaado ceede malla o tokkotoodo labbi malla o badoowo tufle malla o guykoowo malla o gujjo. Taa

nyaamde bee irin goddo oo.

- 1 Korintu'en 6:9,10 On anndi hallube kebataa barkaaji laamu Jehovah. Taa este ko'e mon! Daakaaje e tokkiibe labbi e jeenoobe e luudu'en, 10 non boo wuybe e suunaabe riba e wuykoobe e wadoobe tufle e jabtoobe, be fuu be ngi'ataa laamu Jehovah.
- 1 Korintu'en 10:6 Kuuje de'e laati ngam reenting en, ngam taa en tokko suunooji kalludi bana beya tokkori.
- 1 Korintu'en 12:31 Tefe dokke burande mawnugo. Ammaa sey mi sappina on ko burata dokke de'e fuu woodugo:
- 1 Korintu'en 14:39 Ngam maajum, deerdam'en, tiine waajugo kubaruji Jehovah, ammaa taa kade wolwugo bee demde de anndaaka.
- 2 Korintu'en 9:5 Ngam maajum mi laari dum bana doole mi toro deerdiraabe go aarta min yahugo haa moodon, be moobta dokkal ngal mbi'don diga naane, ngal taasko hiddeko min ngara, ngal wanga ngal caahu fakat, naa ngal jomorgol.

Galaatiya'en 5:16-20 Ndaa ko ngidmi wi'ugo: Acce Ruuhu Jehovah laamano on, taa tokke suunooji ko'e mon. 17 Suunooji neddo don luuta Ruuhu Jehovah, Ruuhu Jehovah boo don hona suunooji neddo. Ngam daliila habre man on mbaawataa huuwugo booddum ko ngiddon. 18 Ammaa to Ruuhu Jehovah don dowa on, nden kam tawreeta walaa baawde dow moodon. 19 Ko suuno neddo laatinta, dum baangudum: njeenu e kuude cobde, cemtiniide, 20 e cujidanki labbi e hiilaaji e nganyngu e habre e kaajal e tikkere e jokkirli e luural e bidu'aakuuji,

Galaatiya'en 5:24 Koomoy laati goddo Yeesu Almasiihu, tiggi hoore mum bee gidaadi e suunooji fuu haa gaafaangal.

Efesu'en 2:1-3 Naane kam on maaybeno, ngam on dowtanaaki Jehovah, on mbadi aybeeji. 2 On tokki laawol kallungol ngol duniyaaru ndu, on dowtani laamiido ruuhuji gondi nder hawa hakkunde asama bee lesdi. Koo jonta boo ruuhu man don laamano yimbe luutoobe Jehovah. 3 Fakat, en fuu en laatino bana mabbe, en tokkino suunooji men. En mbadino ko balli men e hakkiilooji men dabbi fuu. Bana no en mba'ino bee dabiy, tikkere Jehovah donne dow meeden bana dow yimbe wodbe fuu.

Efesu'en 4:19 Be ngalaa naanjtaare, be njoofi ko'e mabbe haa kuude cemtiniide e cobde koodeye, be tokki suunooji mabbe fuu.

Efesu'en 4:22-27 Ngam maajum sey on ceeda bee neddo mon booomaajo, waato bee kuude mon booomaaje. Ko laatiidon boooma, suunooji pewooji don kalka dum. 23 Acce berde mon e hakkiilooji mon kesdita foroy. 24 Sey on borno neddo keso mo Jehovah tagi dow jaati mum, haa on kuuwa pottudum, ceniidum fodde goonja Jehovah. 25 Ngam maajum acce fewugo. Mbolwindire goonja, ngam en fuu en kawti bana terde haa bandu Almasiihu. 26 To on tikki, taa mbadde hakke. Taa on nyalla bee tikkere, 27 ngam taa on ndokka Iblisa laawol naanjugo on.

Efesu'en 5:3,5 On laati yimbe Jehovah. Ngam maajum njeenu e cobki e suuno e irin maaji fuu fottaay caka moodon, koo wolwugo haala man. 5 On anndi, walaa jeenoowo malla cobdo malla cuunaado (fakat, suuno e sujidango labbi dum gootum), walaa koo gooto mabbe hebata joonde nder laamu Almasiihu bee Jehovah.

Kolossi'en 3:5 Sey on mbara suunooji luttudi nder moodon, bana daakaareku e huuwugo karamdum e wadugo njeenu e dabbigo kuuje kallude e suuno (ngam suuno e sujidango labbi, dum gootum).

- 1 Tessaloniki'en 2:5 On anndi min meedaay wolwango on bee welugo hunduko, walaa suuno saawi nder bolle amin, Jehovah woni ceedoowo amin!
- 1 Tessaloniki'en 4:3-7 Ngam Jehovah muuyi on laato laabbe, on ndaayo haala njeenu fuu. 4 Koomoy gorko haa moodon ekkito wondugo bee debbo mum bee nangtaare e neddaaku, 5 naa bee suuno bana yimbe be anndaa Jehovah. 6 Taa goddo wada deerdum aybe, taa o wada mo rikisi nder filu. Min mbi'i on dum diga boooma, min ndeentini on: Jawmiraawo hiitoto huuwanbe irin kuuje de'e. 7 Ngam Jehovah ewnaaki en haa en laato sobbe, ammaa en laato senaabe.
- 1 Timote 3:3,8 Taa o laato guykoowo malla yaggiido, ammaa o munydo, naa o jokkiroovo malla cuunaado ceede. 8 Walloobe jama'aare nuddinbe, kambe boo be laato wooda-gikku'en, taa be laato naafiki'en malla yaroobe inaboojam duuddam malla suunaabe riba kalluka.
- 1 Timote 6:9,10 Ammaa dabbabe riskugo, estooji ngaranan be. Be nastan tuuforgol suunooji paataadi, kalludi, do'andi yimbe nder majjere e halkere. 10 Ngam suuno ceede woni dadol halleende fuu. Wodbe cuunaama de masin, haa be celi laawol nuddinki, be ngaddani ko'e mabbe torraaji naawdi.
- 2 Timote 2:22 An, reenta e suunooji sukaaku, dabbu goonjaaku e nuddinki e yiide e jam, an e seedotoobe Jawmiraawo bee berde laabde.
- 2 Timote 3:2 Fakat, yimbe laatoto yidbe ko'e muudum'en, suunaabe ceede, jurotoobe meere, mawnitittoobe. Be kudan wodbe, be dowtantaako saarooji mabbe. Be nettataa koomoy, be teddintaa ceniidum sam,
- 2 Timote 3:6 Wodbe mabbe don nasta cuudi yimbe boo, haa be laatina rewbe humaki'en tokkiibe be. Rewbe be'e be siforante hakkeeji mabbe duuddi, be dasaabe suunooji koodiye.
- 2 Timote 4:3 Ngam nder nyalde garande be caloto nanugo anndinol laabjgol. Ammaa be cubanan ko'e mabbe jainginoobe deydey suunooji mabbe, haa be nana ko welata noppi mabbe.

Titus 2:12 Mo"ere maajum don tiddina en accugo halleende e suunooji duniyaaru fuu, haa en njoodo bee hakkiilo e goonjaaku e kulol Jehovah nder duniyaaru ndu.

Titus 3:3 Ngam boooma enen boo en ngalaano faamu, en laatino luutbe, majjube. En laatino maccube suunooji e gidaadi koodiye. En donna njoodi bee nganyaandi e kaajindirki, wodbe nganyi en, enen boo en nganyi be.

Ibraniŋko'en 13:5 Taa cuune ceede, ammaa ceye bee ko on mari. Ngam Jehovah wi'i: "Mi accataa ma, mi yeebataako ma sam."

Yakuba 1:14,15 Ammaa jarraba don naŋga godđo to suuno maako esti mo, naŋgi mo. 15 To suuno man rimi, dum warti hakke. To hakke mawni, dum riman maayde.

Yakuba 4:1-5 Haa toy kabe e jokkirli caka moodon iwata? Dum iwi haa suunooji moodon kabandi nder balli moodon foroy. 2 On ngidi hebugo kuuje godđe, ammaa on kebataa de, ngam maajum on taaski mbarugo wodđbe, on don kaaja boo. On don dabba kuuje, ammaa on kebataa de, ngam maajum on don njokkira, on don kaba. On kebaay ko on ngidi, ngam on toraaki dum haa Jehovah. 3 Koo to on don toro mo, on kebataa ngam numooji moodon kalli, on don toro ngam seynugo balli moodon. 4 Onon tuurtanoobe Jehovah! On anndaa soobaaku bee duniyaaru dum konnaagu bee Jehovah na? To on coobri bee duniyaaru, nden kam on laati konne'en Jehovah. 5 Taa nume ko deftere wolwi dum meere, nde wi'i: "Hakkiilo ngo o hokki en haaji masin."

- 1 Piyer 1:14 Dowtane Jehovah, taa tokke suunooji moodon di tokkinoodon yaake on anndaa goonga.
- 1 Piyer 2:11 Soobiraabe am, on laati hodđbe e jananbe haa duniyaaru ndu. Ngam maajum mi tori on taa on accana suunooji bandu laawol, ngam tum di don dabba halkugo yoŋkiji moodon.
- 1 Piyer 4:2-4 Diga jonta, haa luttudum balđe moodon haa duniyaaru, sey on njoodo nder muuyo Jehovah, naa nder suunooji bandu. 3 Joonde nde on njoodino nder ko heefeerbe kuuwata, he'i. On njoodino nder halleende, suunooji, nguyka, pijirle kallude, on cujidanino labbi karminaadi. 4 Jonta heefeerbe don kaydina ngam on kawtataa bee mabbe nder joonde mabbe hallunde e pijirle mabbe kallude. Ngam maajum be nasti hudugo on.
- 2 Piyer 1:4 Bana ni ko o wi'i o hokkan en, laatani en huunde mawnde, woonde masin. To on njabi ko o wi'i on, on kisan suunooji kalkooji gondi nder duniyaaru, on keban nastugo dabiya Jehovah.
- 2 Piyer 2:3 Jaŋginoobe fewoobe be'e be don cuuna ceede haa be pewana on bee habaruuji meereeji ngam nyaamugo riba. Diga naane, kiitoowo be taaskake, kalkoowo be daanataako!
- 2 Piyer 2:9-19 Jawmiraawo anndi no hisnirta tokkiibe mo diga torra mabbe. O anndi boo no o aynirta hallube ngam haa o hiito be nyande kiita, 10 sakkonta tokkiibe suunooji bandu kalludi, yawiibe maŋgu Jehovah. Jaŋginoobe fewoobe be'e, be kulataa, be don manto, be don njawo mawbe asama teddube, be don kuda be. 11 Koo malaa'ika'en buranbe be maŋgu e baawde maa, ngullataako mawbe asama bee kuudi yeeso Jawmiraawo. 12 Ammaa yimbe be'e, be tokki dabiya mabbe bana kuuje ladde dimaade ngam nangeego e mbareego, be don kuda dum ko be paamataa. Jehovah halkan be bana kuuje ladde, 13 o waatanan be torra bana ka be torriri wodđbe bee man. Be don ceyo hebbingo suunooji balli kalludi haa gite yimbe. Be don nyaamda bee moodon, be don

ceyo wadugo jamba mabbe. Kayya! Dum cemtudum masin! 14 Sey rewbe daakaare'en tan be ngidi laarugo, be comataa wadugo hakke sam. Be don njahra tampube haa tuufnordum. Berde mabbe mboowi suuno. Be don nder naaloore Jehovah! 15 Be acci laawol goonja, be nasti ladde, be tokki laawol ngol Balaama bii Be'or, giddo ceede de o hebata bee wadugo halleende, 16 ammaa o telbanaama ngam boofol maako. Ngam wamnde muukaare wolwani mo bee sawtu neddo, hadi paataaku annaboojo oo. 17 Yimbe be'e, be nandi bee bulndu yoorndu, be nandi bee duule de hendu soggata. Jehovah taaskani be nokkuure nder nyibre burdunde nyibbugo. 18 Be don mbolwa bolle mantooje bee faataare, be don kuuwtinira suunooji balli kalludi ngam be nanga wurtiibe jonta caka joodiibe nder aybe. 19 Be mbi'i yimbe be'e be laatoto rimbe, ammaa kambe maa, be maccube kuude kalkooje. Ngam ko jaali goddo fuu, laatini mo maccudo maajum.

2 Piyer 3:3 Aran, paame, nder balde ragareeje tokkiibe suunooji balli mabbe ngaran. Be njalan on,

1 Yuhanna 2:15-17 Taa dakkotire bee duniyaaru ndu, e kuuje maaru fuu. To goddo dakkotiri bee duniyaaru, o waawataa yidugo Baabiraawo. 16 Noy duniyaaru wa'i? Yimbe don tokko suunooji muudum'en, be ngi'an huunde, be dabba hebugo dum, be don mantoro maral e baawde. Dum fuu dum iwaay haa Baabiraawo, haa duniyaaru dum iwi. 17 Duniyaaru bee kuuje maaru fuu don timma, bee ko neddo yidi ton fuu. Ammaa dowtantoodo muuyo Jehovah, yeedan haa foroy.

Yahuuda 1:11 Kayto! Be tokki laawol Kayinu. Be ndokki ko'e mabbe haa fewre ngam hebugo ceede bana ko Balaama wadno. Be kalki, be tuurti bana Koora tuurtirno.

Yahuuda 1:15-19 O hiitoto wadoobe hakkeeji ngam kuude mabbe kallude, o hiitoto be ngam bolle mabbe kallude be mbolwi dow maako!" 16 Yimbe be'e, tum be don ngurngurto dow luttube, be don aybina be. Be don tokko suunooji mabbe kalludi, be don mantoro ko'e mabbe, be don mana wodbe ngam be keba ko be ngidi. 17 Ammaa onon, soobiraabe am, ciftore ko nelaabe Jawmiraawo meeden Yeesu Almasiihu ngeccuno on diga naane. 18 Ngam be mbi'i on: "To balde ragareeje njottake, wodbe njalan on, be tokkoto suunooji mabbe kalludi." 19 Yimbe be'e mbadan cenduki caka yimbe. Sey dabiya mabbe tan be tokkoto, naa Ruuhu Jehovah.

Wahayu 18:14 Filoobe mbi'ani ngol: "Kuuje maada boodde de ngidfa marugo fuu de majji, risku maada e pawne maada fuu kalki, a meetataa heftugo de fahin!"